

徐公鈞磯文集

徐公詩集

四部叢刊三編

徐公鈞磯文集

(82882)

中華民國二十四年十二月初版

每部二冊定價國幣壹元貳角

外埠酌加運費匯費

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

唐秘書省正字先輩徐公鈞礪文集卷第六

徐 寅 昭 夢

著

詩

長律八首

依御史溫飛卿華清宮二十二韻

地靈蒸水暖天氣待宸遊嶽拱蓮花秀峯高玉藥秋
朝元雕翠閣乞巧繡瓊樓碧海供驪嶺黃金絡馬頭
五王更入帳七貴迭封侯夕雨鳴鴛瓦朝陽暎柘裘
伊臯爭負鼎舜禹讓垂旒墮珥閑應拾遺釵醉不收
飛煙籠劒戟殘月照旌旂履朔求衣早臨陽解珮羞
宮詞裁錦段御筆落銀鈎帝里新豐縣長安舊雍州

雪衣傳貝葉，蟬鬢插山榴。對景瞻瑤兔，昇天駕綵虬。

此言遊月宮後

書陳北虜玄甲懷犀牛，聖詔多屯否。

生靈少怨尤，穹旻當有輔。幃幪豈無籌，鳳態傷紅艷。
鸞輿暖紫騮，樹名端正在人欲。夢魂休識悟山旁，鬼
塵銷隴畔立重來。芳草恨往事落花愁，五十年鴻業
東憑渭水流。

尚書命題瓦硯

遠向端溪得，皆因郢匠成。鑿山青靄斷，琢石紫花輕。
散墨松香起，濡毫藻自清。入臺知價重，著匣恐塵生。
守墨還全器，臨池早著名。春闈攜就試，軍幙載將行。
不獨

陣兼能助筆耕，莫嫌涓滴潤深染。古今情

洗處無瑕玷添時識滿盈蘭亭如見用敲戛有金聲

尚書會仙亭詠薔薇聯句寅坐中聯四韻晚
歸補緝所聯因成一篇

結綠根株翡翠莖勾芒中夜刺猩猩景陽粧赴嚴鐘
出楚峽神教暮雨晴躑躅豈能同日語玫瑰方可一
時呈風吹嫩帶香苞展露灑啼思淚點輕阿母藥宮
期索去昭君榆塞闕賁行藂高恐礙含泥燕架隱宜
棲報曙鶯闌日只憂燒密葉映階疑讓雙旌舍煙
散纈佳人惜落地遺鈿少妓爭丹渥不因輸繡段錢
圓誰把買聲海棠若要分流品秋菊春蘭兩恰平
和尚書詠泉山瀑布十二韻

名齊火浣溢山椒誰把驚虹掛一條天外倚來秋水
刃海心飛上白龍綃民田鑿斷雲根引僧圃穿通竹
影澆噴石似烟輕漠漠濺崖如雨冷瀟瀟水中蠶緒
輓蒼壁日裏虹精絳霄寒漱綠陰仙桂老碎流紅
艷野桃夭千尋練瀉年長在六出花開夏日消急恐
劃分青嶂骨久應襖裂翠微腰濯纓便可譏漁父洗
耳還宜傲帝堯林際猿猱偏得飯岸邊烏鵲擬爲橋
赤城未到詩先寄廬阜曾遊夢已遙數夜積霖聲更
遠郡樓歌枕聽良宵

自詠十韻

只合滄洲釣與耕忽依螢燭功成未遊宦路叨卑

虞山錢遵王也是園藏書

宦纔到名場得大名梁苑二年陪衆客溫陵十載佐

雙旌錢財盡是侯王惠骨肉偕承里巷榮拙賦偏聞

鐫印賣惡詩親見畫圖呈

使宅行寅回文兩面庚午秋

樓赴宴詩圖

見每八韻也

多栽桃李期春色濶鑿池塘許月明寒

益衾綢繆美寢出乘車馬免徒行粗支菽粟防飢歎

薄有孟盤送迎僧俗共鄰棲隱樂妻孥同愛水雲

清如今便死還甘分莫更嫌他白髮生

東風解凍省試

暖氣飄蘋末凍痕銷水中翳沈初覺泮吹海旋成空

入律三春照朝空萬里通岸分天影濶色照日光融

波起輕搖綠鱗遊乍躍紅慙慙排弱羽飛翥趁和風

和僕射二十四丈牡丹八韻

帝王城裏看無故亦無新
忍摘都緣借移栽未有因
光陰嫌太促開落一何頻
羞殺登牆女饒將解佩人
藥堪靈鳳啄香許白龍親
素練籠霞曉紅粧帶臉春
莫辭終席醉易老少年身
買取歸天上寧教逐世塵
釣絲竹

翟翟拂清流堪維舴艋舟
野蟲懸作餌溪月曲爲鉤
雨潤搖長風吹繞指柔若
將諸樹比還使綠楊羞
蠶婦非堯女漁人是子猷
湖邊舊栽處長映讀書樓
五言律詩二十一首

旅次寓題

虞山錢遵王也是園藏書

胡爲名利役來往老關河白髮隨梳少青山入夢多
途窮憐抱疾世亂恥登科却起漁舟念春風釣綠波

釣臺

金門誰奉詔碧岸獨垂鈎舊友祇樵叟新交惟野鷗
嘉名懸日月深谷化陵丘便可招巢父長川好飲牛

贈嚴司直

承家居闕下避世出關東有酒劉伶醉無兒伯道窮
新詩吟閣賞舊業釣臺空雨雪還相訪心懷與我同

贈東方道士

葫蘆窓畔掛是物在其閒雪色老人髻桃花童子顏
祭星秋 日採藥曉登山舊放長生鹿時銜瑞草還

題僧壁

香厨流瀑布獨院鎖孤峯紺髮青螺長文茵紫豹重
邛枯皆化燕蜜老却成蜂明月留人宿秋聲夜著松
和人經隋唐間戰處

孤軍前度戰一敗一成功卷旆早歸國卧屍猶臂弓
草間腥半在沙上血殘紅傷魄何爲者五湖垂釣翁
追和常建嘆王昭君

紅顏如朔雪日燦忽成空淚盡黃雲雨塵消白草風
君心爭不悔恨思竟何窮願化南飛燕年年入漢宮
贈董先生

壽歲過於百時間到上京食松雙鬢嫩絕粒四支輕

雨雪思中嶽雲霞夢赤城來年期受籙何處待先生

河流

洪流盤砥柱淮濟不同波莫訝清時少都緣曲處多
遠能通玉塞高復接銀河大禹成門嶮爲龍始得通

題南寺

久別猿啼寺流年却逝波舊僧歸塔盡古瓦長松多
壁蘚昏題紀窓螢散薜蘿平生英壯節何故旋消磨

北山秋晚

十載衣裘盡臨寒隱薜蘿心閑緣事少身老愛山多
玉露催收菊金風促剪禾燕秦正戎馬林下好婆娑

昔遊

昔遊紅杏苑今隱刺桐村歲計懸僧債科名負國恩
不書牋漸穩頻鐫髮無根惟有經邦事年年志尚勤
酒胡子

紅筵絲竹合用爾作歡娛直指寧偏黨無私絕覬覦
當歌誰袖應節旋輕軀恰與真相似羶裘滿領鬚
弔崔補闕

近來吾道少慟哭博陵君直節巖前竹孤魂嶺上雲
播紳傳確論丞相取遺文廢却中興策何由免用軍
乎赤水李先生

三年悲過隙一室類銷冰妻病入仙觀子窮隨獄僧
荒垆寒有雨古屋夜無燈往日清猷著金門幾欲徵

香鴨

不假陶鎔妙誰教羽翼全
五金池畔質百和口中煙
觜鈍魚難啄心空火自燃
御爐如有闕須進聖君前

鷄

名參十二屬花入羽毛深
守信催朝日能鳴送曉陰
裁冠裝瑞壁利爪削黃金
徒有稻粱感何田報德音

白鴿

舉翼凌空碧依人到大邦
粉翎棲畫閣雪影拂瓊窓
振鷺堪爲侶鳴鳩好作雙
狎鷗歸未得覩爾憶晴江

龜

行止竟何從深溪與古峯
青荷巢瑞質綠水返靈蹤

鑽骨神明應酬恩感激重仙翁求一卦何日脫龍鍾

銀結條冠子

日下徵良匠宮中贈阿嬌瑞蓮開二朶瓊縷織千條
蟬翼輕輕結花紋細細挑舞時紅袖舉纖影透龍綃

蜀葵

劒門南面樹移向會仙亭錦水饒花艷岷山帶葉青
文君慚婉婉神女讓娉婷爛熳紅無紫飄香入繡扃
七言絕詩二十八首

鏡中覽懷

晨起梳頭忽自悲鏡中親見數莖絲從今休說龍泉
劒世上恩讐報已遲

楚國史

六國商於恨最多良弓休綰劒休磨君王不剪如簧
舌再得張儀欲柰何

張儀

荆楚南來又北歸分明舌在不應違懷王本是無心
者籠得蒼鷹却放飛

薔薇

朝露灑時如濯錦晚風飄處似遺鈿重門刺著黃金
鎖莫被非瓊摘上天

大夫松

五樹旌封許歲寒挽柯攀葉也無端爭如澗底凌霜

金華集卷六
節不受秦皇亂世官

杏園

杏蘂簫聲好醉鄉春風嘉宴更無雙憑誰爲謔穆天子莫把瑤池並曲江

蕉葉

綠綺新裁織女機擺風搖日影離披只應青帝行春罷閑倚東牆卓翠旗

路旁草

楚甸秦原萬里平誰教根向路旁生輕蹄繡轂長相蹋合是榮時不得榮

讀漢紀

虞山錢遵王也是園藏書